

**Incumbensa da la fracziun da la PPS concernent la derasaziun dals lufs:
mantegnair ils interess dal territori da muntogna GR**

Il fatg che la populaziun da lufs crescha rasantamain en ils territoris da muntogna augmenta danovamain il squitsch sin l'agricultura, sin l'economia d'alp e sin il turissem alpin. La situaziun è gia oz uschè precara e critica che las alps ston vegnir stgar-giadas pli baud u na vegnan insumma gnanc pli chargiadas. Suentar ch'il pievel ha refusà la revisiun da la Lescha da chatscha en la votaziun dal settember 2020, è questa situaziun s'engrevgiada anc pli fitg. La ristga è gronda che numerus manaschis agriculs da muntogna vegnian bandunads. Pli e pli savens vegnan ins a scuntrar singuls lufs u entirs trieps da lufs en ed enturn ils abitadis. La timiditad natirala envers l'uman va a perder. Ils conflicts en ils territoris d'abitadi ed en connex cun activitads turisticas s'augmentan. Senza cuntramesiras ston ins temair che entiras valladas emigreschian pli e pli svelt e che bleras alps en l'entir territori da muntogna creschian en. La consequenza da quai è privels pli gronds e consequenzas nunenconuschantas en l'entir cumbat cunter ils privels da la natira.

La Confederaziun stat sut in squitsch d'agir da metter – sin il stgalim da las ordinaziuns – emprims pals per ina regulaziun simplifitgada dals lufs e da franar la derasaziun illimitada er en il territori d'abitadi. Plinavant ston vegnir augmentadas massivamain las finanzas federalas per pudair indemnisar las mesiras per proteger las muntaneras, senza engrevgiar supplementarmain ils chantuns.

La Regenza vegn incumbensada:

1. **d'examinar, sche la segirezza ed ils interess dal chantun Grischun – cun sia agricultura da muntogna e cun sia economia d'alp – èn protegids** en il rom da la legislaziun naziunala da chatscha ed en general en vista al svilup dinamic da las populaziuns da lufs.
2. **da supplitgar il Cussegl federal d'adattar la legislaziun da chatscha** en vista a las populaziuns da lufs futuras en il chantun Grischun sco er per mantegnair la segirezza ed en l'interess da la populaziun pertutgada.

Tavau, ils 18 da favrer 2021

Hefti, Brandenburger, Favre Accola, Della Cà, Dürler, Gort, Hug, Koch, Salis, Weber, Renkel